

Universitätsbibliothek Paderborn

**Westphalia Sancta, Beata Et Pia, Sive Vitæ Eorum Qui sua
sanctitate et piis exemplis Westphaliam illustrârunt**

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

Christina Virgo Hammonensis

urn:nbn:de:hbz:466:1-28481

de surgit abitq; incolumis nullo dextram subeunte bacillo. Annum, quo piissima hæc anima tandem mortali corpore exsoluta est, nondum comperi. Certum est floruisse sub finem saeculi 12mi & initium 13ii, quia prodigiosum illud os S. Catharinæ Virginis & Martyris [d] anno 1309 die 2dâ Julii è Palæstina Grevenrodiū afferri cœpit, ut ex antiquis hujus loci monumentis constat. Diem obitūs aut certè depositionis ejus agunt ibidem 25ta Novembris, ubi cum pedis equa & nominis & virtutis suæ æmula eodem tumulo conquiescens, singularem in avitæ Religionis integritate constantiam impetravit suæ familiæ, [e] quæ sola ferme ac unica inter funestas illas superiorum saeculorum novitates in medio acatholicæ gentis velut fortissima fidei columnna persistit.

[d] Theod. Rhay ad diem 2dam Julii ponit annum 1209; sed videtur error typi. [e] Theod. Rhay ad diem 25tam Novemb.

Christina Virgo Hammoneensis.

Refertur cum titulo Beatae à Theod. Rhay in anim. illustr. ad diem 22dam Iunii. De eadem agit Gelen. in Coloniâ sacrâ ad eandem diem. Wernerus

nerus Rolevinck in fasciculo temporum ad annum
1464 pag. 90. ex quibus haec pauca excerpta sunt.

Nulquam superiora saecula nobis fuerunt
magis invida , quam ubi & Christinæ
Virginis & aliorum Sanctorum gesta subtra-
xere posteris. Floruit illa Hammonæ in Mar-
chia Westphalica , fuitq; sanctitatis tam exi-
miæ , ut etiam sacratissima Dominicæ passio-
nis stigmata manibus , pedibus , ac lateri suo
divinitus impressa gesserit. Tenuit hoc pro-
digium per 15 hebdomadarum spatia usque ad
festum Venerabilis Sacramenti : quo tempo-
re cum vulnerum istorum cicatrices coram
12 testibus cogeretur exhibere , prædixit eas
post unius & alterius horæ intervallum peni-
tus abolendas & consanandas esse. Vatici-
nio fides stetit ; maluitq; postmodò JESUM in
cruce pendulum ejusq; vulnera cordi suo in-
fixa gerere , quam in exteriori carne aliis o-
stendenda circumferre. Annus quo Venera-
bilis illa virgo ad superos transgressa est , aliāq;
ejus facinora ac virtutes aut scriptorum defe-
ctu aut saeculorum præcedentium injuriis vi-
dentur intercidisse.